



Na osnovu člana 15. Zakona o principima lokalne samouprave u Federaciji Bosne i Hercegovine («Službene novine Federacije BiH», broj: 49/06 i 51/09), člana 57. Statuta Općine Ilijaš – prečišćeni tekst («Sl.novine Kantona Sarajevo», broj: 20/09 i 46/18), te člana 3. Zakona o poticaju razvoja male privrede ("Službene novine Kantona Sarajevo", br. 29/15), Općinski načelnik, dana 03.07.2020. godine, r a s p i s u j e:

JAVNI POZIV

za prijavu subjekata male privrede sa sjedištem na području općine Ilijaš za edukaciju uposlenika na temu "Napredno korištenje MS Excel i MS Access"

Pravo učešća na ovom Javnom pozivu imaju subjekti male privrede (fizička i pravna lica), kako je definisano članom 3. Zakona o poticaju razvoja male privrede ("Službene novine Kantona Sarajevo, br. 29/15), a koji imaju registrovano sjedište na području općine Ilijaš.

Poticajem u smislu ovog Javnog poziva se smatra:

-Organizacija edukacije "Napredno korištenje MS Excel i MS Access", za uposlenike iz subjekata male privrede, ukupno 12 (dvanaest) polaznika edukacije iz subjekata male privrede sa sjedištem na području općine Ilijaš, u skladu s odobrenim projektom od strane Ministarstva privrede Kantona Sarajevo, Ugovor. br. 01/2-14-2410/19 (07-05-14-25598-1) od 18.11.2019. godine.

Prijavom na ovaj Javni poziv subjekat može ostvariti pravo na edukaciju jednog lica, koje mora biti u radnom odnosu unutar subjekta - aplikanta na dan predaje prijave. Ocjena aplikacija i utvrđivanje prava na ovaj poticaj će se izvršiti putem Komisije koja će biti imenovana od strane Općinskog načelnika.

Edukacija će se izvršiti u Biznis centru općine Ilijaš radnim danima u terminima poslije 16:00 sati, u ukupnom trajanju od 30 časova po 45 minuta i to: za MS Excel: 20 časova i za MS Access 10 časova.

Edukaciju će provesti privredno društvo "SYS Company" d.o.o., Sarajevo, a u skladu sa planom i programom iz PROJEKTA/PROGRAMA "Jačanje kapaciteta u oblasti poduzetništva i upravljanja bazama podataka kroz edukaciju uposlenih lica u privrednim subjektima i lokalnoj samoupravi", koji je odobren od strane Ministarstva privrede Kantona Sarajevo i koji je sastavni dio ovog Javnog poziva.

Za polaznike edukacije će od strane pružaoca usluge biti obezbijeđen edukativni materijal u pisanoj formi. Po završetku edukacije polaznicima će biti izdata uvjerenja u skladu sa planom i programom edukacije. Općina je za potrebe edukacije obezbijedila potrebnu opremu i "software".

Sticanje prava na poticaj se ostvaruje prijavom na Javni poziv putem propisanog Obrasca za prijavu, koji je sastavni dio ovog Javnog poziva.

Bodovni kriteriji za odabir subjekata korisnika poticaja su sljedeći:

1. Broj uposlenih na dan podnošenja prijave za poticaj, s težinom kriterija od 45%
2. Ostvareni ukupni prihod u 2019. godini, s težinom kriterija od 40%
3. Vrijednost ostvarenog izvoza roba i usluga u 2019. godini, s težinom kriterija od 15%.

Na aplikante se ne odnosi kriterij eliminacije u slučaju neispunjenja minimalnih zahtjeva bodovnog kriterija ponaosob, već se u slučaju neispunjenja određenog bodovnog kriterija ne dodjeljuju bodovi po osnovu istog.

Eliminatoryna su prekoračenja postavljene granice unutar datih kriterija (broj zaposlenih i ostvareni promet), zbog primjene kriterija da se poticaj dodjeljuje subjektima male privrede (primjena definicije iz člana 3. Zakona o poticaju razvoja male privrede).

U slučaju da dva ili više subjekata u postupku apliciranja ostvare jednak broj bodova, prednost ima subjekt s većim brojem uposlenih u skladu s kriterijem: "Broj uposlenih na dan prijave za poticaj".

Raspored bodova po utvrđenim kriterijima je sljedeći:

1. Broj uposlenih na dan podnošenja prijave za poticaj	
Broj uposlenih: do 10 prijavljenih radnika.....	1 bod
Broj uposlenih: 11 - 75 prijavljenih radnika.....	2 boda
Broj uposlenih: preko 75 do 249 prijavljenih radnika.....	3 boda
2. Ostvareni prihod u 2019. godini	
Ukupni prihod: 200.000,00KM-2.000.000,00 KM.....	1 bod
Ukupni prihod: 2.000.000,01KM-10.000.000,00 KM.....	2 boda
Ukupni prihod: preko 10.000.000,00 KM do 97.499.999,99 KM.....	3 boda
3. Vrijednost ostvarenog izvoza roba i usluga u 2019. godini	
Vrijednost izvoza: 20.000,00 KM-300.000,00 KM.....	1 bod
Vrijednost izvoza: 300.000,01 KM-1.000.000,00 KM.....	2 boda
Vrijednost izvoza: preko 1.000.000,00 KM.....	3 boda

Rok za prijavu je 8 (osam) dana od dana raspisivanja Javnog poziva.

Prijave dostavljati u zatvorenoj koverti, lično na protokol Općine Ilijaš ili preporučenom poštom, na adresu: Općina Ilijaš, ul.126. Ilijaške brigade br. 6, sa naznakom: „Prijava na Javni poziv edukacija: "Napredno korištenje MS Excel i MS Access"- ne otvarati", otvara Komisija”

Rezultati po ovom Javnom pozivu će biti objavljeni najkasnije 5 (pet) dana od dana zatvaranja Javnog poziva, putem oficijelne web stranice Općine Ilijaš (<http://www.ilijas.ba>) i na oglasnoj ploči. Aplikanti imaju pravo prigovora na rezultate Javnog poziva u roku od 5 (pet) dana od dana objave putem web stranice. Po isteku roka za prigovore, Općinski načelnik će donijeti Odluku o sticanju prava na poticaj.

Preporuka:

Sugeriramo da aplikanti – subjekti male privrede za edukaciju predlože lice koje već ima određena iskustva u radu u programima MS Excel i MS Access, odnosno već koriste iste s obzirom da je ovim Programom planiran napredni nivo edukacije.


Obaveze učesnika u vezi sa primjenom zaštitnih mjera COVID – 19:

Učesnici edukacije su u obavezi pridržavati se naređenja i preporuka štabova civilne zaštite u vezi sa pandemijom izazvanom korona virusom - COVID19, te su u tom smislu tokom edukacije dužni obezbijediti i nositi zaštitnu masku, vršiti dezinfekciju ruku i držati se propisanog odstojanja za što su osigurani prostorni uslovi unutar Biznis centra u kojem će se vršiti edukacija.

Napomene:

Potpis na aplikacijskom obrascu mora biti ovjeren pečatom subjekta podnosioca prijave.
Sastavni dio ovog Javnog poziva je Obrazac za prijavu na Javni poziv i PROJEKAT/PROGRAM Općine Ilijaš, pod naslovom: "Jačanje kapaciteta u oblasti preduzetništva i upravljanja bazama podataka kroz edukaciju uposlenih lica u privrednim subjektima i lokalnoj samoupravi" odobren od strane Ministarstva privrede Kantona Sarajevo.

Broj: 01/2-14-2410.1/19
Ilijaš, 03.07.2020. godine



OPĆINSKI NAČELNIK

Akif Fazlić, dipl.oec

[Handwritten signature]